



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 90. Ordo sedendi decretus.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

§. XC.

Ordo sedendi decretus.

Sæcul. XV.

A. C. 1438.

Hac tamen quæstione ex utriusque partis voto composita, inter eos convenit, ut summo Pontifici in elevata magis cathedra prima sedes ex latere dextro cederetur, & infra ipsum uno fere passu sedes Imperatoris Latinorum vacua poneretur, prope illam vero Cardinales, Archiepiscopi, & Occidentis Episcopi sederent. Imperator Græcorum e regione solii, quod pro Imperatore Romano erigeretur, suum thronum occuparet: ac post illum Constantinopolitani Patriarchæ cathedra, demum ceterorum, qui Patriarcharum Vicarii erant, ac postremo Archiepiscoporum, & Episcoporum sedes ordine suo disponderentur, Demetrio Despota Imperatoris fratre penes ipsum sedente. Cum Altare majus in Ecclesia Sancto Georgio sacra, in qua Synodus celebrabatur, Orientem respiceret, cornu dextrum Evangelii, ut vocant, septentrionem spectabat; hanc ergo partem Pontifex cum Latinis, sinistram vero Græci versus medium occupabant, Evangelii libro in medio Ecclesiæ ante Altare collocato.

Igitur sedium ordine ita stabilito, *Pa-* *Al. Justin.*
pa Eugenius pontificali amictu insignis *in hist. Conc.*
 thronum suum conscendit: Cardinales ve- *Flor. tom. 12.*
 ro sedes suas tenuerunt proxime post La- *Conc.*
 tini

Sæcul. XV.
A. C. 1438.

tini Imperatoris solium, quod quidem erectum erat; ob ejus tamen absentiam semper vacuum remansit. Cardinali primo Patriarcha Hierosolymitanus ritus latinus ultimo autem Aquilejensis Patriarcha successit, Archiepiscopo & ceteris Episcopis secundum sedium suarum antiquitatem, ac ordinationum tempora collocatis. Denique Abbates, Ordinum Generales, Doctores, ac reliqui Ecclesiastici in navi inferioris Ecclesiæ confidebant, superiori parte a Protonotariis Apostolicis, aliisque Curiae officialibus occupata. Advocati Consistoriales super gradus summi Altaris, & Clerici Cameræ unacum Auditoribus in plano ante Pontificis pedes collocabantur, Principum vero, & Rerum publicarum Oratores, Duces, Marchiones, & ceteri primariæ Nobilitatis Viri ante thronos Papæ, & Romani Imperatoris federunt.

Absoluto solemnibus sacro de Spiritu Sancto, & sacrificio a Prælatibus Græcis ritu suo privatim peracto, Imperator Græcorum cum suis Præsulibus Ecclesiam ingrediebatur, & toto coetu in signum Venerationis assurgente, cuncti ex meridionali latere assignatos pro dignitate sedilium ordines occupabant. Demetrius Despota ad dextram Imperatoris Germani sui humiliorem & a folio Imperiali uno palmo remotam sedem habebat, ad

ad lævam vero Patriarchæ Cathedram, Sæcul. XV. A. C. 1438.
 qui adversa valetudine præpeditus abe-

rat. E latere sinistro fuere trium Orientalium Patriarcharum Vicarii, scilicet, nomine Philothei Alexandrini, Antonius Metropolita Heracleensis in Thracia, & Gregorius Protosyncellus, qui Imperatori a confessionibus erat; Dorothei Antiocheni locum subibat Marcus Eugenius Ephesiorum Episcopus, quem Patriarcha iste adjunxerat Isidoro Ruffiæ Metropolitæ, cujus sedes vacans erat, eoquod nonnisi in mense Augusto ad Synodum accessisset cum nonnullis Prælatiſ Moscovitis, ac ducentorum Equitum comitatu; & denique Patriarchæ Jerosolymitani dicti Joachimi vices agebant Dynoisius Sardinum Metropolita, paulopost Ferrariæ mortuus, & Dositheus Metropolita Monembasiensis in Peloponneso. Post hos sederunt suo quisque loco ceteri Metropolitæ, Dorotheus Trapezuntinus; Metrophanes Cyzicenus; Bessarion Nicænus; Macarius Nicomediensis; Dorotheus Mitylenensis, Georgianorum Metropolita cum quodam suo Episcopo, & alii quam plurimi Antistites, qui subscripti reperiuntur ad calcem actorum Synodi. Ultimi sedebant officiales, & Ecclesiæ Constantinopolitanæ Ministri in dignitatibus constituti, Abbates, Presbyteri, & montis sancti Monachi. Ad ima throni Imperatoris

*Collect. Conc.
P. Labb.
tom. 13. pag.
1168. & seq.
& p. 518. &
seq.*

Sæcul. XV.
A.C. 1438.
toris Græci suo ordine disponebantur Trapezuntini Imperatoris, magni Moscoviæ Ducis, Georgianorum Principis, Serviæ ac Walachiaë Despotarum oratores, ac præcipui Imperatoris Ministri, quos inter doctrinæ laude ex Senatorum ordine claruerunt Gemistius Lacedæmonius Archyrophulus, & celeberrimus Scholarius, cujus Oratio, qua suos populares ad unionem adhortabatur, in actis Concilii exstat. Ex utroque latere Patriarcham stipabant quinque Assistentes, seu Diaconi, qui cruciferi appellari solebant a Cruce, quam suis palliis intextam gestabant. Ex horum numero erat Sguropulus, qui nobis Concilii Florentini Acta reliquit. Denique omnes reliqui Ecclesiastici, Græcorum Episcoporum comites ex latere ipsis assignato inferiorem Ecclesiæ partem, sicut Latini ex opposita regione, occupabant.

*In Append.
Conc. Flor.
to. 13. p. 543
& seq.*

§. XCI.

Synodus Latinorum cum Græcis inchoata.

*Tom. 13.
Conc. gener.
Lab. p. 907.*

Hæc omnia adeo solerter disposita fuerunt, ut brevi solemne initium Synodo daretur, quæ demum die nona Aprilis in Ecclesia Sancti Georgii inchoata est, unaque promulgatum, Synodum Oecumenicam nonnisi Ferrariæ celebrari, ac qua-